



Սերգեյ Դովլատով

Կոմպրոմիսներ

Կոմպրոմիս տասներորդ

(«Վեչեռնի Տալիին» : Հուլիս 1976թ .)

«ՆՐԱՆՔ ԽԱՆԳԱՐՈՒՄ ԵՆ ԱՊՐԵԼ: Այսօր առավոտյան թիվ 4 բժշկական սթափարան է բերվել քաղաքացի Է . Լ . Բուշը, որը փորձել է ներկայանալ որպես հանրապետական մամուլի աշխատակից: Է . Լ . Բուշը չի հնազանդվել սթափարանի աշխատակիցներին, ինչը դրսևորել է վերջիններիս կծելով: Այդ մասին որոշվել է տեղեկացնել նրա աշխատավայրում, որը, սակայն, թեկուզ մոտավոր կերպով առայժմ չի հաջողվում պարզել»:

Ինչպես միշտ խմիչքը պակասեց, եւ ինչպես միշտ, ես դա կանխատեսել էի: Ուտելիքի հարցում խնդիրներ չառաջացան: Չէին էլ կարող առաջանալ: Ի՞նչ խնդիրներ կարող են լինել, եթե Սեւաստյանովը սովորական խնձորը բաժանում էր 64 մասի...

Երկու անգամ, հիշում եմ, գնացինք «Ստրելեցկայա» օդի բերելու: Հետո ինչ-որ աղջիկներ հայտնվեցին սառցաբալետից: Շաբլինսկին անընդհատ նայում էր աղջիկներին ու կրկնում .

Մենք կհալեցնենք այդ սառույցը... Մենք կհալեցնենք այդ սառույցը...

Ի վերջո օդու գնալու իմ հերթն էլ հասավ: Գնացինք Շաբլինսկու հետ միասին: Երբ վերադարձանք, աղջիկներն արդեն չկային:

Շաբլինսկին ասաց .

Լրբերն ավելի խելոք էին, քան կարծում էի: Կերան, խմեցին ու թոան:

Ավելի լավ, ասաց Սեւաստյանովը, ես հիմա կարտոֆիլ կեփեմ:

Լավ է շիլա չես առաջարկում, վրդովվեց Շաբլինսկին:

Խմեցինք ու սկսեցինք ծխել: Ալկոհոլն անարդյունավետ էր ազդում: Կարգին հարբելն էլ, ախր, արվեստ է...

Նման դեպքերում աղջիկներին զանգելն անօգուտ է: Եթե լակելը չի ստացվում, ուրեմն՝ վերջ: Ուրեմն՝ քեզ համատարած ստորացնելու են: Հարկավոր է միջավայրը փոխել: Գլխավորը միջավայրն է:

Թոֆիկ Ալիեւը, հիշում եմ, պատմում էր .

Տանը դաշնամուր, շքեղ ննջասենյակ ու արծաթե գդալներ ունեի... Համարյա Վերածննդի դարաշրջանի նկարներ: Եվ ոչ մի սեքս: Ավտոտնակում միայն հնոտիք էր ու գիբիլ... հին ավտոդողեր, բրեզենտե ծածկոց... Այդ ծածկոցի վրա պառկել է պարարվեստի ուսումնարանի կեսը: Շատերը պարզապես աղաչում էին՝ գնանք ավտոտնակ: Այնտեղ, իբր, միջավայրը համապատասխան է...

Շաբլինսկին ելավ տեղից եւ ասաց .

Գնա՞նք Տալլին:

Գնանք:

Ինձ համար միեւնույն էր: Առավել եւս՝ որ աղջիկներն անհետացել էին:

Շաբլինսկին աշխատում էի «Սովետսկայա Էստոնիա» թերթում: Լենինգրադում էր արդեն մեկ շաբաթ: Տալլին գնացող մեքենա կար:

Սեւաստյանովը կեսբերան առաջարկեց չցրվել: Մենք հրաժեշտ տվրնք ու դուրս եկանք: Մտանք խանութ: Շշերն ուտեցրին մեր գրպանները: Ես ամառային

վերնաշապիկով ու սպորտային կոշիկներով էի: Անձնագիրս անգամ մոտս չէր:

Տասը րոպեից մի «Վոլգա» մոտեցավ: Ղեկին մոայլ մի մարդ էր, որին Շաբլինսկին կոչում էր Գրիշանյա:

Գրիշանյան ամբողջ ճանապարհին լուռ էր: Օդի շիւմեց: Ինձ նույնիսկ թվաց, թե Շաբլինսկին նրան առաջին անգամ է տեսնում:

Արագորեն անցանք Լենինգրադի հյուսիսարեւմտյան անշուք ծայրամասը: Դրանից հետո միանման գյուղեր էին, գունաթափ խոտ ու դանդաղահոտ գետակներ: Երկաթուղային անցման մոտ Գրիշանյան կանգնեցրեց ավտոմեքենան, դուրս եկավ եւ ուղղվեց դեպի թփերը: Որպես պայմանականություններից ազատ մարդ, քայլելիս արդեն արձակում էր տաբատի կոճակները:

Ինչո՞ւ է այսքան մոայլ, հարցնում եմ: Շաբլինսկին պատասխանեց .

Մոայլ չէ: Քննության տակ է: Եթե չեմ սխալվում՝ կաշառքի համար:

Ի՞նքն է կաշառք տվել:

Գրիշային մի սրբացրու: Գրիշան չի տվել, վերցրել է: Ըստ որում՝ անսահման քանակությամբ: Ու հիմա էլ քննության տակ է: Արդեն քաղաքից չբացակայելու ստորագրություն են վերցրել:

Ինչպե՞ս է, որ դուրս է եկել:

Որտեղի՞ց:

Լենինգրադից:

Ստորագրությունը Տալլինում է տվել:

Իսկ ինչպե՞ս է Տալլինից դուրս եկել:

Շատ պարզ: Նստել է մեքենան ու քշել: Գրիշան կորցնելու ոչինչ չունի այլևս:
Նրան շուտով ձերբակալելու են:

Ե՞րբ, անհմաստ հարց տվի ես:

Մինչեւ Տալլին հասնելը՝ հագիվ թե...

Գրիշանյան դուրս եկավ թփերից: Քայլելիս կոճկում էր տաքատը: Նրա ամուր
դաստակներին ինչ-որ փայլ նկատեցի: «Ձեռնաշղթանե՞ր», մտածեցի: Հետո
տեսա, որ մետաղե շղթաներով ժամացույցներ են՝ երկուական ամեն դաստակին:

Շարունակեցինք ճանապարհը:

Նարվան անցնելուց հետո բնապատկերը փոխվեց: Բնությունն արդեն պակաս
անկանոն էր: Տները՝ ավելի կոկիկ ու խիստ:

Շաբլինսկին ննջում էր: Իսկ ես անդադար մտածում էի՝ ինչո՞ւ: Ո՞ր եւ ինչո՞ւ եմ
գնում: Ի՞նչ է ինձ սպասում: Ի՞նչ հիմար ձեռով է անցնում կյանքս...

Վերջապես մոտեցանք Տալլինին: Անցանք անդեմ աղյուսե ծայրամասերը:
Գոթական ինչ-որ տարրեր: Եվ ահա Ռատուշայի հրապարակում ենք:

Նստատեղի տակ դատարկ շիշը ինչ-որ մետաղի դիպավ: Մեքենան կանգ
առավ: Շաբլինսկին արթնացավ:

Ահա եւ տանն ենք, ասաց:

Դուրս եկա մեքենայից: Թաց փողոցն արտացոլում էր նեոնե տատերը: Մթության
մեջ գծագրվում էին շենքերի հարթ դիմապատերը: Բնապատկերը հիշեցնում էր
Անդերսենի գրքերի նկարագարողումները:

Շաբլինսկին ձեռքը մեկնեց ինձ .

Չանգիր:

Ես չհասկացա: Հետո նա ասաց .

Նեկկան անհանգստանում է:

Այստեղ արդեն ես իսկապես անհանգստացա: Նույնիսկ շփոթված հարցրի .

Ի՞նչ Նեկկա:

Կինս, ասաց Շաբլինսկին, մոռացե՞լ ես: Հարսանիքին առաջին հարբողը դու էիր...

Շաբլինսկին արդեն վաղուց աշխատում էր կուսակցական թերթում: Ֆունկցիոնների կարգավիճակից չէր նեղվում: Նույնիսկ ինչ-որ հմայք էր կարողացել պահպանել:

Առհասարակ նկատել եմ, որ մարդկային հմայքը խիստ դժվար է կորցնել: Շատ ավելի դժվար, քան բանականությունը, սկզբուքները կամ համոզմունքները: Երբեմն կուսակցական աշխատանքի տասնամյակներն էլ չեն օգնում: Պատիվը, ասենք, իսպառ վերանում է, իսկ հմայքը մնում է: Մորդովիայում կար նույնիսկ հմայքը պահպանած մի բանտապետ...

Կարճ ասած՝ Շաբլինսկին նորմալ մարդ էր: Եթե անգամ ստորություն էր անում՝ առանց ավելորդ ջանադրության: Մենք գրեթե ընկերներ էինք: Իսկ հիմա .

Չանգիր, կրկնեց:

Տալլինում առաջ էլ եղել էի: Դրանք, սակայն, ծառայողական գործուղումներ էին: Այն է՝ համապատասխան փաստաթղթերով, փողով ու հյուրանոցով: Իսկ գլխավորը՝ գոեհիկ, բայց խելամիտ նպատակի զգացողությամբ:

Իսկ հիմա ինչո՞ւ եմ եկել: Խմբագրությունից ինձ վոնդել էին: Գրպանումս տասնվեց ռուբլի է: Միակ ծանոթս շտապում է կնոջ մոտ: Նույնիսկ Գրիշանյան ձերբակալության նախօրեին է:

Շաբլինսկին մտածեց ու ասաց .

Լսիր, գնա Բուշի մոտ: Ասա, որ ես եմ ուղարկել: Բուշը լավ կընդունի քեզ:

Ո՞վ է Բուշը:

Բուշը ֆանտաստիկ երեւոյթ է: Ինքը կտեսնես: Կարծում եմ, կհավանես նրան: Հեռախոսը՝ չորս, զրո-զրո, տասնմեկ:

Միմյանց հրաժեշտ տվինք: Գրիշանյան նստած էր մեքենայում: Շաբլինսկին հապճեպ ձեռքով արեց նրան ու հեռացավ: Հենց այդպես, լքեց ինձ անձանոթ քաղաքում: Չարմանալին այն է, որ մեկ շաբաթ անց աշխատելու ենք նույն թերթում եւ անգամ ընկերություն ենք անելու:

Այդ պահին դանդաղորեն իջավ լուսամատի ապակին, ու Գրիշանյան ասաց .

Գուցե փողի կարի՞ք ունես:

Շնորհակալ եմ: Փող ունեմ:

Առաջին անգամ նայեցի Գրիշանյայի դեմքին: Նա նման էր ջրասուզակ շան՝ նույնպիսի մենության ու անհաղորդության արտահայտությամբ:

Ուզեցի նրան հաճելի ինչ-որ բան ասել: Ինձ ապշեցրել էր նրա վեհանձնությունը: Պարտքով փող առաջարկել ձերբակալությունից առաջ, ի՞նչը կարող է ավելի ասպետաբար արտահայտել ճակատագրին չհնազանդվելը...

Հաջողություն քեզ, ասացի:

Չառ, ասաց:

Աշխատանքից ինձ հեռացրել էին հոկտեմբերի սկզբին: Կոնկրետ պատճառ չկար: Ինձ հեռացրել էին, ինչպես ասում են, «ըստ պատճառների միագումարի»: Հավանաբար չափից ավելին էի ինձ թույլ տալիս:

Լրագրության մեջ յուրաքանչյուրին թույլատրվում է միայն մեկ բան: Միայն մեկ տեղում է թույլատրվում խախտել սոցիալիստական բարոյականության սկզբունքները: Այսինքն՝ մեկին թույլատրվում է խմել: Մյուսին՝ խուլիզանություն անել: Երրորդին՝ քաղաքական անեկդոտներ պատմել: Չորրորդին՝ հրեա լինել:

Հինգերորդին՝ անկուսակցական: Վեցերորդին՝ անբարո կյանքով ապրել: Եվ այլն: Յուրաքանչյուրին, սակայն, կրկնում են, թույլատրվում է միայն մեկ բան: Չի կարելի միաժամանակ հրեա լինել ու հարբեցող: Խուլիզան եւ անկուսակցական...

Ես, մինչդեռ, կործանարար կերպով համակողմանի էի: Այն է՝ ինձ թույլ էի տալիս ամեն ինչից՝ որոշ չափով:

Ես խնում էի, սկանդալներ էի սարքում, ցուցաբերում էի գաղափարական կարճատեսություն: Հավելումն՝ կուսակցության անդամ չէի եւ նույնիսկ մասամբ հրեա էի: Վերջապես, ընտանեկան կյանքս ավելի ու ավելի էր խճճվում:

Եվ ինձ վոնդեցին: Կանչեցին կուսկոմիտեի նիստին ու ասացին .

Բավական է: Մի մոռացեք, որ լրագրությունը գաղափարախոսական ճակատի առաջավոր գիծն է: Դարձեք իսկական բանվորական թղթակից: Ձեր թղթակցություններում արտացոլեք ճշմարիտ կյանքը...

Այստեղ չդիմացա:

Ճշմարիտ կյանքի համար, ասում են, դուք ինձ առանց դատաստանի կզնդակահարեք:

Նիստի մասնակիցները վրդովված իրար նայեցին: Ինձ ազատեցին «սեփական դիմումի համաձայն»:

Դրանից հետո չէի աշխատում: Խնդրագրում էի ինչ-որ գեներալի հուշերը: Խալտուրա էի անում ուղիորդում: Գրեցի «Կոմունիստները նվաճեցին տունդրան» բրոշյուրը: Անգամ այստեղ, սակայն, կոպիտ քաղաքական սխալ թույլ տվի: Բրոշյուրում խոսքը Մոնչեգորսկի շինարարության մասին էր: Իրադարձությունները ծավալվում էրն 30-ական թվականներին: Պատասխանատու աշխատողների մեջ կային բազմաթիվ հրեաներ: Հիշում են ինչ-որ Շիմկուսի, Ֆելդմանի, Ռապոպորտի... Քաղկոմում կարդացին ու ասացին .

Այս ի՞նչ սիոնիստական թերթիկ է: Այս ի՞նչ առասպելական հրեաներ են տունդրայում: Անմիջապես ոչնչացնել ամբողջ տպաքանակը...

Հոնորարը, սակայն, հասցրել էի ստանալ: Գրել եմ նաև ներքին գրախոսություններ ամսագրերի համար: Անանուն կերպով համագործակցում էի հեռուստատեսությունում: Կարճ ասած՝ վերածվել էի ազատ արվեստագետի: Ի վերջո, հայտնվեցի Տալլինում...

Հուշանվերների խանութի մոտ հեռախոսի խցիկ տեսա: Վերհիշեցի թվերը՝ չորս-գրո-գրո-տասնմեկ:

Չանգում եմ: Պատասխանում է կանացի ձայն .

Լսում եմ, սիրելիս: Նրա խոսքում ստացվեց «սիդելիս»: ~

Լսում եմ:

Հեռախոսի մոտ խնդրեցի կանչել Էրիկ Բուշին: Ի պատասխան հնչեց .

Տանը չէ: Ես աղդեն անհանգստանում եմ: Խոստացել էի չուշանալ: Այնպես ող, եկեք: Կզդուցենք, մինչևի գա:

Կինը տանելի կերպով կարողացավ թելադրել հասցեն: Բացատրեց, ինչպես տեղ հասնել:

Պատիկ էստոնական տրամվայը ճոճվում էր շրջադարձերին: Քսան բուպե անց Կադրիորգում էի: Հեշտությամբ գտա կիսաքանդ գերանաշար տնակը:

Դուռը բացեց հիսունին մոտ մի կին՝ նիհար, բաց-կապտավուն մազերով: Նրա ալ գիշերազգեստի ժանյակները հասնում էին ոսկեգույն արաբական կոշիկներին: Դիմափոշու խիտ շերտը ծածկում էր դեմքը: Այտերը վառվում էին քիմիական կարմրությամբ: Նա նման էր հետամնաց գավառական օպերետի հերոսուհու:

Էդիկը տանն է, ասաց, նեղս անցեք:

Նեղ նախասրահում դժվարությամբ էինք տեղավորվում երկուսով: Մտա սենյակ ու ապշեցի: Այսպիսի հրեշավոր թափթփվածություն դեռ չէի տեսել:

Ճաշասեղանի վրա կիտված էր կեղտոտ ամանեղենը: Կանաչավուն պաստառների պատռված կտորները կախվել-հասնում էին հատակին: Հնամաշ գորգը ծածկված էր լրագրերի հաստ շերտով: Անկյունից անկյուն էր թռչում սիամի կատուն: Դռան մոտ շարված էին դատարկ շշերը:

Փոս ընկած բազմոցից բարձրացավ երեսնամյա մի տղամարդ: Նա ամերիկյան կինոհերոսի արեւահար ու առնական դեմք ուներ: Բարձրորակ արտասահմանյան բաճկոնի դարձօձիքը զարդարված էր մեխակով: Կիսակոշիկները փայլում էին: Կիսաքանդ բնակարանում Էրիկ Բուշը կարծես տիեզերական եկվոր լիներ:

Բարեկեցիք միմյանց: Կցկտուր բացատրեցի, թե ինչու եմ եկել:

Բուշը ժպտաց եւ անսպասելիորեն խոսեց կոկ ու երգեցիկ ոտանավորներով .

Ներս եկ, հյուր կեսգիշերային: Խորդանոցը քեզ է սպասում: Սրճեփը կրակին է: Պահարանում է պանիրը հոլանդական: Ինձ եղբայր կլինես: Իսկ Գալինային՝ ընկեր: Սիրի՛ր նրան մոր պես: Սիրի՛ր նրան որդու պես: Շուրջը խոզանոց է...

Քաղցր կադկանդակ ունենք, խառնվեց Գալինան: Բուշը նրան ընդհատեց մեղմ, բայց վեհ շարժումով .

Շուրջը խոզանոց է, դրանից վատն էլ, սակայն, կա: Պատուհանից փչում է, ու կեղտոտ է մեր արտաքնոցը... Փոխարենն այստեղ չկա, եւ փաստ է դա, իշխանություն խորհրդային: Ազատությանն է իմ կարգախոսը, իմ ֆետիշն ու կուռքը իմ:

Այնպես էի ինձ պահում, թե այդպես էլ պետք է լինի: Իսկ ի՞նչ անեի: Թողնեի-գնայի՞ գիշերվա մեկին: «Շտապ օգնություն» դիմեի:

Եվ հետո, մարդկային խելագարությունը դեռ ամենաստուկային չէ: Տարիների ընթացքում այն ինձ համար ավելի ու ավելի է մոտենում նորմային: Իսկ նորման

անբնական երանգներ է ձեռք բերում:

Նորմալ մարդն ինձ լքեց՝ թողնելով բոլորովին մենակ: Աննորմալն, ահա, առաջարկում է սուրճ, իր բարեկամությունն ու խորդանոցը...

Կենտրոնացա ու արտասանեցի .

Պատիվ է մեծ հյուրընկալվելը ձեզ: Եվ ի սրտե երախտապարտ եմ ես:
Մանավանդ որ մյուսները վաղուց, թքում են վրաս անթաքույց...

Հետո սուրճ խմեցինք, շենով կարկանդակ կերանք: Կատուն թռավ գլխիս:
Գալինյան Օֆֆենբախի ձայնասկավառակ միացրեց:

Բաժանվեցինք գիշերվա երկուսին:

Բուշի ու Գալինայի մոտ ապրեցի երեք շաբաթ: Օր-օրի ավելի էին դար գալիս ինձ: Թեև երկուսն էլ անվերադարձ շիզոֆրենիկներ էին:

Էրիկ Բուշը հարգարժան ընտանիքի գավակ էր: Նրա հայրը մաթեմատիկայի պրոֆեսոր էր Ռիգայում: Մայրը բաժանմունքի վարիչ էր գործվածքեղենի հանրապետական ինստիտուտում: Յոթ տարեկանում Էրիկն արդեն ասում էր երկուսին էլ: Ինչ-որ հրաշքով նա ի ծնե հակասովետական էր և նոնկոնֆորմիստ: Ծնողներին անվանում էր «առաջբաշվածներ»:

Դպրոցն ավարտելուն պես Բուշը լքում է Ռիգան: Մեկ տարուց ավելի լողում է ձկնորսանավով: Հետո աշխատում է որպես լողափի լուսանկարիչ: Ընդունվում է Լենինգրադի կուլտուրայի ինստիտուտի հեռակա բաժինը: Ավարտելուց հետո դառնում է լրագրող:

Նրա աշխարհայացքով մարդու համար նման գործունեությունը, թվում է թե, հակացուցված պիտի լիներ: Բուշը, ախր, ոչ թե սուկ քննադատում էր գոյություն ունեցող կարգերը: Բուշը հերքում էր բուն պատմական իրականությունը: Մասնավորապես՝ հաղթանակը գերմանական ֆաշիզմի նկատմամբ:

Նա պնդում էր, որ անվճար բուժսպասարկում գոյություն չունի: Հնչեցնում էր կասկածներ տիեզերքում մեր առաջնության վերաբերյալ: Երրորդ բաժակից հետո Բուշը գոռում էր .

Գագարինը տիեզերք չի՛ թռել: Տիտովն էլ չի թռել... Եվ բոլոր խորհրդային հրթիռները կավով լցված պահածոյի տուփեր են...

Այսպիսի մարդը պիտի որ տեղ չունենար խորհրդային լրագրության մեջ: Բուշը, այդուհանդերձ, ընտրել էր հենց այդ զբաղմունքը: Նրա վճռական նոնկոնֆորմիզմը ուղեկցվում էր բացարձակ անսկզբունքայնությամբ: Նրա թղթակցություններից մեկն սկսվում էր այսպես .

«Հասավ նաև խոշոր եղջերավոր անասունների աստեղային ժամը: Իրենց աշխատանքն սկսեցին անասնաբույժների համագումարի մասնակիցները: Կաթի ու թրիքի հոտ տարածող հոնտորները հաշորդում են մեկը մյուսին...»:

Սկզբում Բուշն աշխատում էր շրջանային թեթում: Սակայն շուտով գավառական կյանքը ձանձրացրեց նրան: Հյուսիսային փոքր քաղաքի համար նա չափազանց մեծ անհաստականության էր:

Երկու տարի առաջ Բուշը տեղափոխվել էր Տալլին: Բնակություն էր հաստատել մի տարեց կնոջ մոտ:

Բուշն ուներ այն, ինչը ճակատագրականորեն էր ազդում ծերացող կանանց վրա: Այն է աղքատություն, գեղեցկություն, սարկաստիկ հումոր, իսկ ամենակարևորը՝ բնավորության իսպառ բացակայություն:

Չորս տարվա ընթացքում Բուշը գայթակղել էր չորս ծերացող կնոջ: Գալինա Արկադիենան հինգերորդն էր ու ամենասիրելին: Մնացած չորսը շարունակում էին Բուշին վերաբերվել երախտագիտությամբ ու հիացմունքով:

Չար լեզուները Բուշին ալֆոնս էին անվանում: Այդպես չէր: Սիրելով ծերացող կանանց, նա ղեկավարվում էր այլասիրական բնույթի դրդապատճառներով: Բուշը բարեհոգաբար նրանց թույլ էր տալիս իր վրա հեղել ուշացած դառը գգացմունքների ջրվեժները:

Աստիճանաբար Բուշի մասին լեզենդներ հյուսվեցին: Նա անընդհատ պատմությունների մեջ էր ընկնում:

Մի անգամ ուշ գիշերով Բուշն անցնելիս է լինում Կադրիորգով: Մոտենում են երեք հոգի: Մեկը մոայլորեն ասում է .

Ծխելիք տուր:

Ինչպե՞ս է նման իրավիճակում վարվում նորմալ մարդը: Համեմատաբար խելամիտ վարքագծի երեք տարբերակ կա:

Անխռով ու անվախ խուլիգանին մեկնել ծխախոտատուփը:

Արագորեն անցնել-գնալ, ավելի լավ է՝ վազելով:

Եվ վերջինը՝ հարվածելով ամենամոտ կանգնածին, շտապ նահանջել:

Բուշն ընտրում է ամենակործանիչ, ամենաանսովոր տարբերակը: Ի պատասխան այդ կոպիտ պահանջի, Բուշն ընդգծված բարեկրթությամբ ասում է .

Ինչ ասել է՞ տուր: Իրար հետ ե՞րբ ենք բրուդերշաֆտ խմել: Ավելի լավ կաներ հանգերով խոսեր:

Նրան կարող էին վտանգավոր գծի տեղ դնել: Իսկ այսպես՝ մի լավ ծեծում են: Խուլիգաններին, հավանաբար, հունից հանել էր «բրուդերշաֆտ» խորհրդավոր բառը:

Գիտակցությունը կորցնելով, Բուշը շնչացել էր .

Ցնծացե՛ք, տականքներ: Մարմնական գոեհիկ ցնծություն են նշմարում ձեր դեմքերին...

Մի շաբաթ պառկեց հիվանդանոցում: Կողոսկրների կոտրվածքով ու դուրս ընկած մատով: Ճակատին հայտնվել էր ռոմանտիկ սպի...

Բուշն աշխատում էր «Սովետական Էստոնիա» թերթում: Տարիուկես արտահաստիքային թղթակից էր: Խոսում էին նրան մշտական հաստիք տալու մասին: Գլխավոր խմբագիրը ժպիտով նրա կողմն էր նայում: Աշխատակիցները նրան լավ էին վերաբերվում: Հատկապես՝ ծերացող կանայք: Տեսնելով Բուշին, նրանք իրար ականջի շնչում ու շիկնում էին:

Հաստիքային աշխատանքը շատ բան էր նշանակում: Առավել եւս՝ հանրապետական թերթում: Նախ՝ կայուն աշխատավարձ: Բացի դրանից՝ բազմաթիվ ու բազմազան սոցիալական արտոնություններ: Վերջապես՝ անձնական անպատժելիության որոշակի աստիճան:

Բուշն անհամբերությամբ սպասում էր հաստիքային նշանակմանը: Նա, կրկնում են, երկյակ անձնավորություն էր: Ընթոսությունը նրանում համերաշխորեն գոյակցում էր սկզբունքների բացակայության հետ: Բուշն ասում էր .

Ռեժիմը տապալելու համար պիտի դառնամ դրա հենասյուներից մեկը: Այդ ժամանակ շատ շուտով ողջ կառույցը կսասանվի...

Մոտենում է նոյեմբերի 7-ը: Խմբագիրը կանչում է Բուշին ու ասում .

Որոշել ենք, Էռնեստ Լեոպոլդովիչ, պատասխանատու հանձնարարություն տալ ձեզ: Քարտուղարությունից անցագիր եք ստանում: Գնում եք նավահանգիստ: Ջրուցում եք արեւմտյան կապիտաններից մի քանիսի հետ: Ընտրում եք սոցիալիզմի գաղափարների նկատմամբ ամենալոյալին: Հարցեր եք տալիս նրան: Այնպես եք անում, որ քիչ թե շատ հարմար պատասխաններ է տալիս: Կարճ ասած՝ հարցազրույց եք անում: Ցանկալի է, որ նա շնորհավորի մեզ Հոկտեմբերյան հեղափոխության վաթսուներեքերորդ տարեդարձի առթիվ: Դա չի նշանակում, թե պիտի քաղաքական կոչեր հեզի: Բոլորովին: Չուսպ, հարգալից շնորհավորական խոսքը միանգամայն բավական է: Սա է պահանջվում: Պարզ է:

Պարզ է, պատասխանում է Բուշը:

Ըստ որում, անպայման արեւմտյան նավաստի է պետք: Շվեդ, անգլիացի, նորվեգացի, կապիտալիստական համակարգի տիպիկ ներկայացուցիչ: Եվ լոյսը խորհրդային իշխանության նկատմամբ:

Կգտնեն, վստահեցնում է Բուշը, այդպիսի մարդիկ լինում են: Մի անգամ, հիշում եմ, Խաբարովսկուն գրուցում էի շվեյցարական թագավորական նավատորմի մի նավաստու հետ: Մեր մարդն էր, անդադար Լենինից էր մեջբերում:

Խմբագիրը բարձրացնում է հոնքերը, մտածում ու հանդիմանող տոնով արտաբերում .

Շվեյցարիայում, ընկեր Բուշ, ծով չկա, թագավոր չկա, ուստի չկա նաեւ թագավորական նավատորմ: Դուք, հավանաբար, շփոթում եք:

Ինչպես թե՛ ծով չկա, զարմանում է Բուշը: Իսկ ի՞նչ կա, ձեր կարծիքով:

Ցամաք, պատասխանում է խմբագիրը:

Ցամաք, հա՞, չի հանձնվում Բուշը: Հետաքրքիր է: Շատ հետաքրքիր է: Կարո՞ղ է լճեր էլ չկան՝ հանրահայտ շվեյցարական լճերը:

Լճեր կան, տխրությամբ համաձայնում է խմբագիրը, շվեյցարական թագավորական նավատորմ, այդուհանդերձ, չկա... Սկսեք աշխատել, ավարտում է խմբագիրը, բայց, խնդրում եմ, ավելի լուրջ եղեք: Մենք, ինչպես հայտնի է, մտածում ենք ձեզ հաստիքային աշխատանք տրամադրելու մասին: Այս հանձնարարությունից շատ բան է կախված: Հաջողություն եմ մաղթում...

Տալիինի նավահանգիստը քաղաքի կենտրոնից հեռու չէ՝ քսան րոպե մեքենայով:

Բուշը գնում է տաքսիով: Մտնում է նավահանգստի բազմատիրաժ թերթի խմբագրություն: Իսկ այնտեղ լուսանկարիչ Լյովա Բարանովի քառասնամյակն են նշելիս լինում: Բուշին մեկնում են լիկյորով լի բաժակը: Հաճույքով ցնրոր խմում է ու ասում .

Ինձ չի կարելի: Աշխատանքի մեջ եմ:

Մի քիչ էլ խմում է ու զանգում դիսպետչերին: Դիսպետչերն առաջարկում է մոտենալ արեւմտագերմանական «Էդելվեյս» առետրական նավին:

Բուշը մի բաժակ էլ խմելուց հետո ուղղվում է դեպի շորրորդ նավամատույցը:

Կապիտանը Բուշին դիմավորում է նավասանդուղքի վրա: Տիպիկ ծովագայլ՝ ձիգ, թխամաշկ, արծվաքիթ կիսադեմով: Անունը՝ Պատլ Ռուդի:

Դիսպետչերը նախազգուշացրել էր նրան խորհրդային լրագրողի այցի մասին: Բուշին հրավիրում է իր նավախցիկը:

Սկսում են զրուցել: Կապիտանը բավական ընկալելի ռուսերեն է խոսում: Կոնյակներից գերադասում է ֆրանսիականը:

«Կորդոն բլո» է, ասում է, խորհուրդ եմ տալիս փորձել: Շիշն արժե երկու հարյուր մարկ:

Հասկանալով, որ հարբելու է, Բուշը հասցնում է հարցնել .

Ե՞րբ ես մեկնում:

Վաղը տասնմեկն անց կեսին:

Գործից այլեւս կարելի էր շխտել: Մեկնելու նախօրեին կապիտանն ինչ ուզես կարող էր ասած լինել: Ստուգո՞ղն ով է: Ջրույցը պարզ է լինում ու անկեղծ:

Կանանց սիրո՞ւմ ես, հարցնում է կապիտանը:

Սիրում եմ, պատասխանում է Բուշը, իսկ դո՞ւ:

Էն էլ ոնց: Իմ Լուիզան, սակայն, չի էլ կասկածում: Սիրում եմ կանանց, խմիչք ու փող: Փող սիրո՞ւմ ես:

Մոռացել եմ դրա տեսքը: Գույնզգույն թղթերի հե՞տ ես:

Կամ մետաղե կլորակների:

Ֆուտբոլից ավելի եմ սիրում: Նույնիսկ կանանցից ավելի: Բայց գուտ
պլատոնական սիրով...

Բուշը խնում է, կապիտանն էլ ետ չի մնում: Նավախցում թեաժում է ամերիկյան
ծխախտտի բուրմունքը: Անտեսանելի ռադիոկետից լսվում է հավայական
երաժշտություն: Չրույցն ավելի ու ավելի է անկեղծանում:

Եթե իմանայիր, ասում է լրագրողը, թե ոնց եմ զգվել: Այս նգովյալ երկրից
փախչել է պետք:

Հասկանում եմ, համաձայնում է կապիտանը:

Դու չես կարող դա հասկանալ: Քեզ համար, Պատու, ազատությունն օդի պես է:
Դու այն չես նկատում: Դու պարզապես շնչում ես: Ինձ կարող է հասկանալ
միայն ծովից ափն ընկած ձուկը:

Հասկանում եմ, ասում է կապիտանը, ելք կա: Չէ՞ որ գերմանացի ես: Կարող ես
արտագաղթել ազատ Գերմանիա:

Տեսականորեն դա հնարավոր է: Գործնականում՝ բացառվում է: Հայրս, այո,
ռուսացած կուրլյանդական գերմանացի է: Մայրս Լեհաստանից է: Երկուսն էլ
կուսակցության մեջ են 36 թվականից: Երկուսն էլ առաջքաշվածներ են, ռեժիմի
ծառաներ: Նրանք համապատասխան թղթերը չեն ստորագրի:

Ես հասկանում եմ, պնդում է կապիտանը, ուրիշ ելք կա: Գնա առետրական
նավատորմ, դարձիր նավաստի: Այնքան դիմիր, մինչեւ վիզա տան: Եվ,
հայտնվելով արեւմտյան նավահանգստում՝ փախիր: Ապաստան խնդրիր:

Դա էլ ֆիկցիա է: Ես վատ համբավ ունեմ: Ինձ վիզա չեն տա: Ես արդեն փորձել
եմ... Ավաղ, դատապարտված եմ դանդաղ մահվան:

Հասկանում եմ... Կարելի է թաքնվել «Էդելվեյսի» վրա: Բայց դա վտանգավոր է:
Եթե բռնեն, կդատեն որպես դավաճանի...

Կապիտանը շատ առողջ է դատում: Չափազանց առողջ: Արտասահմանցու համար, առհասարակ, բացառիկ իրազեկ է լինում: Սթափ մարդու մեջ դա կասկած կառաջացնեն: Բայց Բուշն արդեն լրիվ հարբել է: Բուշը հոնտորաբանում է .

Նա չէ ազատ, ով պայքարում է ընդդեմ ռեժիմի: Եվ ոչ էլ նա, ով հաղթահարում է վախը: Այլ նա, ով վախ չունի: Ազատությունը, Պատու, օրգանիզմի ֆունկցիա է: Դու չես հասկանա: Դու թռչունի պես ազատ ես ծնվել:

Ես հասկանում եմ, պատասխանում է կապիտանը...

Կեսգիշերին մոտ Բուշը իջնում է նավասանդուղքով: Նա հաճախ դանդաղեցնում է քայլերը, բռունցքը վեր է պարզում՝ «ոտ ֆրո՛նտ»: Կամ ցուցամատն ու միջնամատն է բացում՝ «վի՛քթրի»: Հաղթանա՛կ...

Կապիտանը հասկացող հայացքով ուղեկցում է նրան:

Հաջորդ օրը Բուշը գալիս է խմբագրություն: Ոգետրված, բայց՝ սթափ: Նրա սիգարետը հաճելի բուրմունք է տարածում: Գրպանից երևում է «Փարկեր» գրիչի կափարիչը:

Հոդվածը տալիս է մեքենագրուհիներին: Վերնագիրը երկար է ու գեղեցիկ՝ «Կվերադառնամ, որպեսզի նորից վայելեմ գարեհացի համը»:

Սկսվում է այսպես .

«Կապիտան Պատու Ռուդիին գտա մեքենայական բաժանմունքում: «Էդելվեյս» առետրական նավը պատրաստվում է մեկնելու: Մաշված մեխանիզմները հավելյալ ստուգում են պահանջում:

Բոսսին հետաքրքրում է միայն եկամուտը, բողոքում է կապիտանը: Քսան անգամ առաջարկել են փոխել գլանները: Իսկ եթե բաց ծովում պայթե՞ն: Ինքը, պարզ է, զբոսանավով է ճամփորդում: Իսկ մենք տանջվում ենք, ինչպես սատանաները դժոխքում...»:

Վերջացնում է այսպես .

«Կապիտանը լաթով սրբեց կոշտուկածածկ ձեռքերը: Մորուքը փայլում էր մագուրփից: Կավե ծխամորճն էլ ավելի էր ծանրուցնամ քառակուսի ծնոտը: Աչքով արեց ինձ ու ասաց .

Հիշի՛ր երիտասարդ: Ազատությունն օդի պես է: Շնչում ես ու ես նկատում այն... Սովետական մարդիկ չեն հասկանա: Չէ՞ որ նրանք թռչունի պես ազատ են ծնվել: Ինձ կհասկանա միայն ծովից ափն ընկած ձուկը... Եվ ուրեմն ես կվերադառնամ: Կվերադառնամ, որպեսզի նորից վայելեմ գարեհացի համը: Ազատության, հավասարության ու եղբայրության արբեցուցիչ համը»...

Վատ չէ, ասում է խմբագիրը, աշխույժ է, համոզիչ: Միակ բանը, որ տարակուսանք է հարուցում... Նա իրո՞ք նման բաներ է ասել:

Իսկ ուրիշ ի՞նչ կարող էր ասել:

Դե, իհարկե, իհարկե, զիջում է խմբագիրը:

Հողվածը տպագրվում է: Հաջորդ օրը Բուշին կանչում են խմբագրի մոտ: Առանձնասենյակում նստած է լինում հիսունին մոտ մի անձանոթ տղամարդ: Դենքին՝ լիակատար անտարբերություն եւ, միաժամանակ, ծայր աստիճան գգոնություն:

Խմբագիրը, ասես, նրա ստվերի տակ քշված է լինում: Անձանոթը, մինչդեռ, անդեմությամբ հանդերձ, լայնորեն ու հիմնավորապես գրավում է ողջ տարածքը: Նա իրենով լցրել էր նոմենկլատուրային առանձնասենյակի ողջ ծավալը: Ավելի փոքր է երեւում անգամ Լենինի գիպսե կիսանդրին կարմիր պաստառապատ պատվանդանի վրա:

Տղամարդը նայում է Բուշին ու հագիվ լսելի ասում .

Պատմեք:

Բուշը գրգռված հարցնում է .

Ի՞նչ պատմեն: Ո՞ւմ պատմեն: Ընդհանրապես, կներք, ո՞ւմ հետ պատիվ ունեն:

Պատասխանը ընդհատ գծի պես կարճ է լինում .

– Հանդիպման մասին... Ի՛նձ... Սորոկին... Գնդապետ Սորոկին...

Կոչումն ասելով, գնդապետը լռում է ասես սպառելով ուժերը:

Ինչ-որ բան ստիպում է Բուշին հնազանդվել: Եվ նա սկսում է վերապատմել կապիտան Ռուդիի մասին հոդվածը:

Գնդապետն անուշադրությամբ է լսում: Ավելի ճիշտ՝ ննջելով: Ինչպես ծույլ ուսանողին հարց տված դասախոսը: Հարց, որի պատասխանն իրեն վաղուց հայտնի է:

Բուշը խոսում է՝ մնալով հոդվածում շարադրված փաստերի հունի մեջ: Ավարտում է պաթոսով .

Ո՞ր ես, Պաուլ: Ո՞ր է քշում քեզ հեռավոր ճամփորդությունների քամին: Որտե՞ղ ես, իմ արտասահմանցի ընկեր...

Բանտում, անսպասելիորեն պատասխանում է գնդապետը: Ձեռքի թերթով հարվածում է սեղանին, կարծես ճանձ է սպանում, ու հստակ արտասանում .

Պաուլ Ռուդին գտնվում է բանտում: Մենք նրան ձերբակալել ենք որպես հայրենիքի դավաճանի: Նրա իսկական ազգանունը Բյատտի է: Այստեղից վստիսած էստոնացի է: Յոթանասուն թվականին բայդարկայով փախել է Շվեդիա: Բնակություն է հաստատել Համբարգում: Անուսնացել է Լուիզա Ռեյշվիցի հետ: Չորրորդ տարին է, ինչ լողում է արեւմտագերմանական առեւտրական նավատորմի նավերով: Վերջապես առաջին անգամ եկել էր էստոնիա: Նրան վաղուց էինք սպասում...

Գնդապետը դիմում է խմբագրին:

Մենք պետք է առանձին խոսենք:

Խմբագիրն անհարմար է գգում, որ իրեն վնասում են սեփական կաթինետից: Քթի տակ ասում է .

Այո, ինքս էլ պատրաստվում էի համարի նկարները նայել:

Ու դուրս է գալիս:

Գնդապետը դառնում է Բուշին .

Ի՞նչ կասեք:

Ցնցված են: Խոսք չունեն:

Ինչպես ասում են՝ չստացվեց:

Բուշը, սակայն, պնդում է նախկին տարբերակի վրա .

Ես նկարագրեցի այն, ինչ եղել է: Կապիտան Ռուդիի անցյալի մասին պատկերացում անգամ չունեի: Նրան ընկալել են որպես առաջադեմ մտածողության տեր արտասահմանացու:

Լավ, ասում է գնդապետը, ենթադրենք: Ամեն դեպքում, ձեզ համար տեղի դեպք է: Բիծ է ձեր լրագրողական կարիերայում: Ես կասեի անգամ՝ գաղափարական վրիպակ: Չգոնության թուլացում: Մի բան պետք է անել...

Ի՞նչ:

Այսպիսի գաղափար կա: Ուզո՞ւմ եք մեզ օգնել: Մենք էլ, համապատասխանաբար, կերաշխավորենք, որ ձեզ հաստիք տան:

ՊԱԿ-ո՞ւմ, հարցնում է Բուշը:

Ինչո՞ւ ՊԱԿ-ում: «Սովետական Էստոնիա» թերթում: Չէ՞ որ դուք վաղուց եք երագում հաստիքային աշխատանքի մասին:

Մենք ի գորու ենք արագացնել այդ որոշումը: Ժամկետները մենք ենք որոշում:

Բուշը ձգվում է: Գնդապետ Սորոկինը շարունակում է .

Դուք կարող եք տալ մեզ հետաքրքրող ցուցանիշներ:

Այսի՞նք:

Կապիտան Ռուդիկի վերաբերյալ... Ցուցանիշ տվեք, որ նա փորձել է ձեզ...
օգտագործել... այլասեռական նպատակներով:

Ի՞նչ, տեղից ելնում է Բուշը:

Հանգի՛ստ:

Դուք ինձ ինչի՞ տեղ եք դնում: Երբեք չէի կարծում, որ ՊԱԿ-ը դիմում է նման
մեթոդների:

Գնդապետի աչքերի փայլը դառնում է սրիչի պես սառը եւ սուր: Նա կարմրում ու
ուղղվում է տեղում .

Առանց վերամբարձ խոսքերի, խնդրում եմ: Խորհուրդ եմ տալիս մտածել:
Դրանից է կախված ձեր ապագան:

Այստեղ Բուշն էլ ուղղում է մեջքը: Դանդաղորեն գրպանից հանում է ամերիկյան
սիգարետների տուփը: Վառում է «Ռոնսոն» վառիչով: Ու հանգիստ ասում է .

Ձեր առաջարկությունն անբարոյական է: Այն հակադրվում է իմ բարոյական
սկզբունքներին: Ինձ միայն այդ էր պակասում, որ դուր գայի համասեռականին:
Մի խոսքով, ես հրաժարվում եմ: Այլասեռությունն ինձ համար չէ... Ուզում եք
գրեմ, որ ինձ խմեցրել է... Ոչ, թերեւս դա էլ ազնիվ չի լինի...

Դե ինչ, ասում է գնդապետը, ինձ համար ամեն բան պարզ է: Կարծում եմ, դուք
տանուլ կտաք:

Իսկ մի՞թե հնարավոր է ՊԱԿ-ին հաղթել, հռչակում է Բուշը:

Չրույցն այսքանով ավարտվում է: Գնդապետը գնում է: Արդեն շեմին անսպասելիորեն ասում է .

Ձեր մասին ավելի վատ կարծիք ունեի:

Գնդապետ, ձեր կերպարից դուրս մի եկեք, պատասխանում է Բուշը...

Նրան գրկում են արտահաստիքային աշխատանքից: Հնարավոր է, որ Սորոկինի արածն էր: Ավելի հավանական է, սակայն, որ խմբագիրն է եռանդ ցուցաբերել: Բուշը կրկին անցնում է ծերացող կանանց խնամքի տակ: Թեեւ մինչ այդ էլ գրեթե նույն վիճակում էր:

Հենց այդ օրերին նա ծանոթանում է Գալինայի հետ: Մինչ այդ նրան սիրում էր Մարիաննա Վիկենտինան՝ առեւտրի ոլորտում բարձրաստիճան մի պաշտոնատար: Նա Բուշի համար վերնաշապիկներ ու փողկապներ էր գնում: Բուշի փոխարեն վճարում էր ռեստորաններում: Բուշին կերակրում էր առողջ ու օգտակար սննդով: Գրպանի փող, սակայն, Բուշին չէր տալիս: Թե չէ սա անմիջապես սկսում էր սիրահետել ուրիշ կանանց:

Ստանալով հերթական հոնորարը խմբագրությունից, Բուշն անմիջապես անհետանում էր: Տուն էր գալիս գիշերով՝ տարածելով սոխի ու օժանելիքի բուրմունք: Մի օր Մարիաննան չի դիմանում ու ճշում է .

Որտե՞ղ էիր քարշ գալիս, սրիկա: Ինչո՞ւ ես գիշերվա կեսին տուն գալիս:

Բուշը մեղավոր պատասխանում է .

Առավոտյան կգայի, պարզապես փողս չհերիքեց:

Ի վերջո, Մարիաննան ընթոստանում է: Մեկնում է հանգստանալու վերադաս գերատեսչության մի տարեց աշխատակցի հետ: Վերջինիս կողքին ինքը երիտասարդ ու թեթեւամիտ էր երեւում: Բուշին բնակարանում միայնակ թողնել, բնականաբար, չի ուզում:

Այստեղ հայտնվում է Գալիմա Արկադիեւնան: Հայտնվում է, փաստորեն, չեղած տեղից: Չի բացառվում, որ՝ նյութի պահպանման օրենքի համաձայն:

Բանն այն է, որ նա քաղաքացիական կարգավիճակ չուներ: Գալիման նշանավոր էստոնացի հեղափոխականի, չի բացառվում՝ հենց Կինգիսեպալի այրին էր: Եվ նրան ինչ-որ թոշակ էին նշանակել:

Նրա հետ Բուշը ծանոթացել էր ռոմանտիկ հանգամանքներում՝ լճակի ափին: Կադրիորգի հենց կենտրոնում մի փոքր, գողտրիկ լճակ կա: Շուրջը՝ լորենիներով երիզված լայն ծառուղիներ: Ձեռնասուն սայառերն անվախ մոտենում են զբոսնողներին:

Լճակում լողում են սեւ կարապներ: Ինչպես են այստեղ հայտնվել՝ հայտնի չէ: Բոլորին հայտնի է, փոխարենը, որ էստոնացիք սիրում են կենդանիներին: Ինչ-որ մեկը կարապների համար փայտե տնակ է կառուցել: Կադրիորգի այցելուները հացի կտորներով կերակրում են կարապներին...

Մայիսյան մի երեկո Բուշը նստած է լինում լճափի խոտին: Սիգարետները վերջացել են: Երկրորդ օրն է փող չունի: Գիշերն անցկացրել է «Սոյուզպեչատ»-ի լքված կրպակում: Իր բախտից հատակը ծածկված է եղել հին թերթերով:

Նստած ծամում է դատը խոտը: Գլխում մտքերը կցկտուր են ու տազնապած, ինչպես հեռագրերը .

«...Ուտելիք... Ծխելիք... Մնալու տեղ... Մարիաննան առողջարանում է... Աշխատանք չկա... Ծնողներին դիմելն ամոթ է, իսկ գլխավորը՝ անիմաստ»...

Ե՞րբ եւ որտե՞ղ է կերել վերջին անգամ: Հիշում է ինքնասպասարկումով խորտկարանի երկու կտոր հացը: Հետո՝ թթու խնձորներ ուրիշի ցանկապատի տակ: Ճանապարհին գտած վանիլային թխվածքաբլիթը: «Սոյուզպեչատ»-ի կրպակում հայտնաբերված կանաչ լոլիկը...

Կարապները ջրի վրայով սահում էին ինչպես երկու հսկայական ծաղկեփունջ: Մնունդը ստանում էին առանց տեսանելի ջանքերի: Կեռ վզիկները պսակող

փոքրիկ գլխիկները անընդհատ թեքվում էին դեպի ջուրը...

Բուշը մտածում է ուտելիքի մասին: Մտքերն ավելի ա ավելի կարճ են դառնում .

«...Կարապ... Թռչուն... Ուտելիք...»:

Այստեղ նախնիների կանչը Բուշի մեջ արձագանքում է աննշան նյարդային դողի տեսքով: Նրա աչքերում արտացոլվում են նախնադարյան խարույկների ցուլքերը: Նա սառում է, ինչպես քաղաքի գերությունից դուրս պրծած որսաշունը ճահճուտում...

Տասի կողմերը լրիվ կմթնի: Ինքնավստահ թռչունին բռնելը մի րոպե էլ չի քաշի: Փետրած կարապը կարող է միանգամայն սագի տեղ անցնել: Իսկ մի ամբողջ սագով Բուշն արդեն չի կորչի: Ամեն տեղ ցանկալի հյուր կդառնա...

Բուշը կերպարանափոխվում է: Հոգա խորքում հնչում է որսորդական փողը: Ֆիզիկապես զգամ է իր անթրաշ ծնոտի կարծրությանը: Բուշի մեջ արթնանում է նախնադարյան ուժը...

Այդ պահին հրաշք է կատարվում: Ափին հայտնվում է մի ծերացող կին: Այսինքն այն որսը, որի շունչը Բուշը զգում էր հսկայական հեռավորությունից:

Կինը բարեկազմ է լինում ու չքնաղ: Նրա գլխավերեւում թեւածում են թիթեռնիկները: Երկնագույն օդեղեն զգեստը քավում է խոտին: Ձեռքին գիրք է: Աղոթարանի պես կրծքին սեղմած:

Սրատես Բուշը հեշտությամբ կարդում է վերնագիրը՝ Ախմատովա:
Բանաստեղծություններ:

Դուրս է թքում բերանի խոտն ու հզոր, խուլ բարիտոնով արտասանում .

Դեռ թեւածում են նրանք, դեռ ճանապարհին են
Խոսքերը սիրո եւ ձերբազատման,
Իսկ ինձ արդեն տազնապն է համակել աստվածային,
Շուրթերս պաղ են սառույցի նման:

Կինը դանդաղեցնում է քայլերը: Ձեռքերը սեղմում է քունքերին: Գիրքը, բացվելով, ընկնում է: Բուշը շարունակում է .

Իսկ հետո՝ անտանելի շոայլ մի լույս,
Ասես քաղցր ու տաք գինի...
Մոխրացած է արդեն գիտակցությունս
Շիկացած քամուց արբունքի...

Կինը լուռ է: Դենքին շփոթ է ու սարսափ: (Եթե սարսափը կարող է դրսևորվել որպես կրքոտ ու ուրախալի զգացմունք): Խոնարհելով հայացքը, կինը հագիվ լսելի շարունակում է .

Շուտով, սակայն, այնտեղ ուր կեչիները
Խշշում են խուլ հենված պատուհանիս,
Այ պսակներ են հյուսելու վարդերը,
Անտես շուկներ են հնչելու ունկիս...

(Նա ասում է «վաղդեղը»): Բուշը ելնում է տեղից:

Դուք սիրո՞ւմ եք Ախմատովային:

Ես նրա բոլոր բանաստեղծություններն անգիր գիտեմ, պատասխանում է կինը:

Ինչպիսի գուգադիպություն: Ես նույնպես... Իսկ ծաղիկներ: Դուք ծաղիկներ սիրո՞ւմ եք:

Դա իմ թուլությունն է... Իսկ թղշուններ: Ի՞նչ կասեք թղշունների մասին:

Բուշը նայում է կարապների կողմը, մի պահ լուռ է ու ասում .

Ճայն է ճախրում ամպերում ալ,
Թե շիկահավերն են ճովողում...
Տիրուհիս, կուգեմ թռչնակ դառնալ
Ու կտցել հատիկը քո ափերում...

Դուք բանաստե՞ղծ եք, հարցնում է կինը:

Գրում եմ երբեմն տողերի արանքում, ամոթխած պատասխանում է Բուշը...

Օրը պաղում է:

Մորենիների սավերները ձգվում են:

Ջուրը կորցնում է փայլը:

Թփերում արդեն թափառում է աղջամուղջը:

Սուղճ ուզո՞ւմ եք, առաջարկում է կինը: Տունս մոտիկ է:

Ներեցեք, ասում է Բուշը, իսկ երջիկ չունե՞ք: Ի պատասխան՝

Ունեմ այն ամենն, ինչ պետք է միայնակ սղտին...

Բուշի ու Գալինայի հետ ապրեցի երեք շաբաթ: Տարօրինակ, խելագարությամբ լի օրեր էին:

Օրը բացվում էր մեղմ, հուզիչ երգեցողությամբ: Գալինան տղայական տենորով երգում էր .

Հոգնել ու դադդել եմ ես

Գիշեղ, թե ցեղեկ մտքիս դու ես...

Նրա սիրեցյալն արձագանքում էր ցածր, խոպոտ բարիտոնով .

Հյուսիսային Դվինայում թե խեղդվեմ,

Կամ ուրիշ տեղ գտնեմ վախճան,

Երկիրը ինձ չի սգալու, գիտեմ,

Ընկերներս են լալու անդավաճան...

Պատահում էր, որ առավոտյան պարում էին խոհանուցում: Պարելիս յուրաքանչյուրը մի մեղեդի էր երգում: Թեյի սեղանին Գալինան հայտարարում էր .

Այսօղ ինձ անվանեք Վեղոչկա: Իսկ վաղվանից՝ Հագաղան Բլբուլ...

Ցերեկները հաճախ էր խոսում հեռախոսով: Պատահական համարներ էր հավարում: Երբ պատասխանում էին, քնքշորեն ասում էր .

Այսօղ ձեզ հաճելի անակնկալ է սպասում: Կամ .

Զգուշացեք բալի հատիկով գաղղաղված գլխադկով տիկնոջից:

Հավելումն՝ Գալիհնան ժամերով վարժեցնում էր թափանցիկ, սրընթաց սուսերակիր ձկնիկին: Շշնջում էր ակվարիումի վրա խոնարհված .

Չաղություն մի աղա, Ջին: Մայդիկին ձեղքող աղա...

Եվ վերջապես, Գալիհնան գուշակ էր: Ինձ, օրինակ, ինչ-որ գունավոր հույունքների երկար նայելուց հետո, ասաց .

Կյանքդ ավաղտելու ես Բղագիլիայում կամ նման մի տեղում:

(Այն ժամանակ՝ յոթանասունհինգ թվականին, ծիծաղեցի: Այսօր գրեթե հանոզված եմ, որ այդպես էլ լինելու է:)

Բուշը ամբողջ օրը ետուառաջ էր անում կանաչ խալաթով, որ Գալիհնան կարել էր վարագույրից: Նա պատրաստում էր Նոբելյան մրցանակի շնորհման արարողությանն իր արտասանելիք շնորհակալական ճառը: Ճառը սկսվում էր այսպես .

«Տիկնայք եւ պարոնայք: Շնորհակալ եմ պատվի համար: Ինչպես ասում են՝ լավ է ուշ, քան երբեք...»:

Այդպես էլ ապրում էինք: Իմ տասնվեց ռուբլին արագորեն վերջացավ: Գալիհնայի թոշակը բավականացնում էր մի ութ օր: Հարկավոր էր աշխատանք որոնել:

Եվ հանկարծ աչքիս ընկավ մի հայտարարություն . «Շտապ պահանջվում են հնոցապաններ»:

Ասացի Բուշին: Կարծում էի, թե կիրաժարվի: Բուշը, սակայն, համաձայնեց եւ անգամ պայծառացավ:

Հանճարեղ է, ասաց, սա հենց այն է, ինչը մեզ համար պարտադիր է: Վաղուց էր պետք ապրել ժողովրդական զանգվածների կյանքով: Սնվել, այսպես ասած, ակունքներից: Մոտենանք բնությանը, ծերուկ: Մոտենանք պարզ, մարդկային ուրախություններին: Մոտենանք բնական ամբողջական անձնավորություններին: Կորչի՛ մետաֆիզիկական եւ ամենայն տրանսցենդենտալությունը: Կեցցեն մուրճն ու գնդանը:

Գալիհան երկշոտ առարկեց .

Է-դիհնկա, դու թույլ ես:

Բուշը աչքերը ոլորեց կնոջ վրա, եւ վերջինս լռեց...

Կաթսայանոցը մի մռայլ ցածր շինություն էր հսկայական խողովակի ստորոտին: Մուտքի մոտ ածուխի մեծ կույտ էր: Կողքին՝ բահեր ու երկու դատարկ սայլակ:

Ներսում համաչափ ոռնում էին երեք կաթսա: Մեկի մոտ մի երիտասարդ էր կանգնած: Ձեռքին ծանր կրակխառնիչ: Հրակալներից վեր վարդագույն բոց էր խփում: Երիտասարդը կնճռոտում ու շրջում էր դեմքը:

Ողջույն, ասաց Բուշը:

Բարեւ, պատասանեց հնոցապանը, նորեկներ՞ր եք:

Հայտարարությամբ ենք եկել:

Ուրախ եմ: Անունս Օլեգ է: Ասացինք մեր անունները:

Մտեք դիսպետչերանոց, ասաց Օլեգը, ներկայացեք Յարիկովին:

Մետաղե դռնով փոքրիկ տաղավարում կաթսաների ոռնոցն ավելի խուլ էր: Քրքրված սեղանին ինչ-որ գրաֆիկներ ու ամփոփագրեր էին: Պատից կախված էր էժանագին բարձրախոս: Նեղ թախտի վրա պառկած էր գինվորական հագուստով մեկը՝ դեմքը լրագրով ծածկած: Մյուսը՝ ժուրնալի գլխարկով, սեղանի մոտ նստած աշխատում էր: Տեսնելով մեզ, բարձրացրեց գլուխը:

Նորեկներ եք:

Հետո ելավ ու մեկնեց ձեռքը .

Տուրիկով, գլխավոր դիսպետչեր: Նստեք:

Նկատեցի, որ նախկին գինվորն արթնացել է: Խշշոցով մի կողմ դրեց թերթը:

Խուդ, ներկայացավ:

Մարդիկ են պետք, ասաց դիսպետչերը: Աշխատանքը բարդ չէ: Գնանք բացատրեն:

Իջանք երեքուն աստիճաններով: Խուդը գալիս էր մեր ետեւից: Օլեգը մեզ ձեռքով արեց՝ որպես վաղեմի ծանոթների:

Կանգնեցինք ձախ կաթսայի մոտ: Այնքան մոտիկ, որ դեմքով զգում էի հուրը:

Մարքը, ասաց Տուրիկովը, չափազանց պարզ է: Հնոց, հրակալներ, օդամղիչ... Ելքի ջերմաստիճանը պետք է լինի յոթանասուն աստիճան, ետ գալիս՝ քառասունհինգ: Հերթափոխի սկզբում ապահովում եք ածուխը: Մայրակները լրիվ բեռնել խորհուրդ չեն տալիս, շուտ կգան... Գնալուց առաջ հարկավոր է մաքրել հրակալները, հեռացնել շլակը... Այսքանը, թերեւս: Գրաֆիկը նույնչափ պարզ է . մեկ օր աշխատում ենք, երեք օր հանգստանում ենք: Վճարումը գործարքային: Կարելի է հանգիստ ամսական հարյուր հիսուն ռուբլի վաստակել...

Տուրիկովը մեզ տարավ տղաների մոտ ու ասաց .

Հուսով եմ, իրար հետ լեզու կգտնեք: Թեեւ մերոնք բավական տարօրինակ մարդիկ են: Օլեժկան, օրինակ, բուդդիստ է: «Ձեն» դպրոցի հետեւորդ: Հանգստություն է որոնում սեփական հոգու վանքում... Խուդը գեղանկարիչ է՝ համաշխարհային ավանգարդի ձախթեսային: Աշխատում է մետաֆիզիկական սինթետիզմի ավանդույթներով: Նկարում է հիմնականում արկղեր, տակառներ, տուփեր...

Շարքը կոչվում է «Մեռյալ ճշմարտություններ», շշուկով բացատրեց Խուդր՝ շփոթված շիկնելով:

Ցուրիկովը շարունակեց .

Դե, իսկ ես սովորական մարդ եմ: Ազատ ժամերին զբաղվում եմ երաժշտության տեսությամբ: Ի դեպ, ի՞նչ եք մտածում Բրիտտենի ստեղծագործություններում կիսատոնային վրադրումների մասին:

Բուշը մինչևի այս պահը լուռ էր: Այստեղ, սակայն, նրա դեմքը անսպասելիորեն այլալվեց: Հատու ու կարճ ասաց .

Գնացի՞նք այստեղից:

Ցարիկովն ու իր գործընկերները շփոթված հայացքներով ուղեկցում էին մեզ:

Դուրս ելանք փողոց: Բուշը պայթեց վրդովված մենախոսությամբ .

Սա կաթսայատուն չէ: Սա, հազար ներողություն, ինչ-որ Սորբոննա է... Ես երագում էի ընկղմվել ժողովրդական կյանքի մեջ: Ամբանալ բարոյապես ես ֆիզիկապես: Սնվել կենսատու ակունքներից... Եվ ի՞նչ: Ինչ-որ ձենբուդդիստներ ու մետաֆիզիկներ, պոռնկական կիսատոնային վրադրումներ: Մի խոսքով՝ տուն ենք գնում...

Ի՞նչ կարող էի անել:

Գալի՞նան մեզ դիմավորեց ուրախության բացականչություններով:

Այնպես էի լալիս, ասաց, այնպես էի լալիս: Այնպես էի ձեզ խղճում...

Երեք օր էլ անցավ: Գալի՞նան մի քանի գիրք վաճառեց բուկինիստական խանութին: Ես եղա Տալլինի բոլոր խմբագրություններում: Պայմանավորվեցի արտահաստիքային աշխատանքի վերաբերալ: Հարցազրույց վերցրի ինչ-որ փականագործից: Ռեպորտաժ գրեցի արդյունաբերական ցուցահանդեսից: Ապագա հոնորարների հաշվին պարտքով քսան ռուբլի վերցրի Շաբլինսկուց:

Կիսաքաղց մահը նահանջեց:

Ավելին, ես հաջողություն ունեի: Եթե Լենինգրադում շարքային լրագրող էի համարվում, այստեղ՝ գրեթե ռահվիրա էի: Ինձ ավելի ու ավելի պատասխանատու հանձնարարություններ էին տալիս: Գրում էի լույս տեսած գրքերի ու թատերական նորույթների մասին, վարում էի ամենօրյա «Այլ կարծիք» խորագիրը, վերջապես ֆելիետոններ էի գրում: Իսկ ֆելիետոնն, ինչպես հայտնի է, ամենապահանջված ժանրն է թերթում: Կարճ ասած, արագորեն վեր էի բարձրանում:

Ինձ սկսեցին հրավիրել խմբագրական թուղթաժողովներին: Իսկ մեկ ամիս էլ անց՝ կոլեկտիվի ընկերական քեֆերին: Իմ հրապարակումների մասին խոսում էին Էստոնիայի Կենտկոմում:

Այդ ժամանակ արդեն վաղուց Բուշի ու Գալինայի մոտ չէի ապրում: Խմբագրությունը ինձ սենյակ էր հատկացրել Տոմայի փողոցում՝ աննախադեպ արտոնություն արտահաստիքային աշխատակցի համար: Դա նշանակում էր, որ մտադիր են մոտ ապագայում ինձ հաստիքային աշխատանք տալ: Իրոք, մեկ ամիս անց հրամանագրեցին որպես հաստիքային աշխատող:

Խմբագիրն ինձ ասում էր .

Դուք ցնցող հումորի զգացում ունեք: Ձեր ասույթներից շատերն անգիր են հիշում: Օրինակ սա . «Երբ անվախը լռում է, վախկոտը սսկվում է...»: Ձեր ֆելիետոնները պատմում են տնային աշխատողիս: Նա, իմիջիայլոց, գերմանական գիմնազիա է ավարտել:

Հիմա, ասացի, հասկանամ եմ, թե որտեղից է գալիս ձեր անթերի շարժումներ:

Խմբագիրը չէր վիրավորվում: Նա ազատական մտածողության տեր մտավորական էր: Ամբողջ իրավիճակն այն ժամանակ ազատական էր: Մերձբալթիկայում՝ հատկապես:

Վաստակում էի այժմ անսեկան առնվազն երկու հարյուր հիսուն ռուբլի: Հաջողացնում էի անգամ այլմենտ վճարել:

Հայտնված ընկերներս էլ համապատասխան էին . երիտասարդ գրողներ, նկարիչներ, գիտնականներ, բժիշկներ: Լիարժեք, լավ վաստակող մարդիկ: Լինում էին ռեստորաններում ու թատրոններում, կղզիներ էին գնում: Կարճ ասած՝ ապրում էինք ստեղծագործական մտավորականության համար նորմալ կյանքով:

Բուշը չէր նախանձում իմ հաջողությանը: Հակառակը, ուրախ կրկնում էր . «Գործիր, ծերուկ: Մեր մարդիկ պետք է առանցքային պաշտոններ գրավեն պետության մեջ»:

Պարտքով փող էի տալիս Բուշին: Մի քսան անգամ նրա փոխարեն վճարել եմ Մյանդի-բարում: Այսինքն, ինձ պահում էի ինչպես հարկն է: Ուրիշ ի՞նչ կարող էի անել: Հո պաշտոնս իրեն չէ՞ի գիջելու:

Երդվում եմ, Բուշին հանդիպելուց չէի խուսափում: Պարզապես հիմա մենք պատկանում էինք տարբեր սոցիալական խմբերի:

Ես պնդեցի, որ Բուշին կրկին օգտագործեն որպես արտահաստիքային աշխատող: Անկեղծ ասած, հարկ եղավ նշանակալի դիմադրություն հաղթահարել: Կապիտան Ռուդիի պատմությանը դեռ չէր մոռացվել:

Բուշին, հասկանալի է, քաղաքական երանգ ունեցող նյութեր այլևս չէին վստահում: Նա գրում էր կենցաղային, մշակութային, մարզական տեղեկատվության: Թուրքիաժողովներին աշխատում էի գովել նրա ամեն մի հրապարակումը: Նա սկսել էր ավելի հաճախ երեւալ խմբագրության միջանցքներում:

Նա այդ ժամանակ արդեն բավական խամրել էր: Տաբատը փայլում էր ծնկներին: Բաճկոնն ակնհայտորեն մաքրման կարիք ուներ: Ծերացող կանայք, սակայն (իսկ այդպիսիք կան բոլոր խմբագրություններում), շարունակում էին Բուշին տեսնելիս տանջահար շիկնել: Ուրեմն նրա առավելությունը ներքին էր, ոչ թե արտաքին:

Հիշում եմ, խմբագրությունում նշվում էր մեքենագրական բյուրոյի վարիչ Լորենյա Ֆիլիպովնա Կոժիչի վաթսունամյակը: Բուշը նրան նվիրեց հրաշալի փոքրիկ ոտանավոր .

Միրոս տրոփում է, երբ տեսնում եմ Լորենյային,
Ի՞նչ է նշանակում դա ըստ Ֆրեյդի:

Մեկ շաբաթ Լորենյան պայծառ ու գունատ էր՝ միաժամանակ:
Նոնենկլատուրային աշխատողները մի ուշագրավ հատկանիշ ունեն: Նրանք հիշաչար չեն թեկուզ այն պատճառով, որ ծույլ են: Վրեժխնդրության եռանդի համար ուժները չի հերիքում: Ճշմարիտ չարության համար նրանց պակասում է ճշմարիտ խանդավառությանը: Բարեկեցության երկար տարիների ընթացքում նրանց զգացմունքները բթանամ են մինչևի մեծահոգության: Նրանց մտքերն այնքան անկյանք են, որ դա երբեմն նմանվում է բարության:

«Սովետսկայա Էստոնիայի» խմբագիրը բարեհոգի մարդ էր: Մինչևի այն պահը, անշուշտ, երբ դառնում էր կոշտ ու չար: Քանի դեռ հարկադրված չէր լինում հետեւել համապատասխան ցուցումների: Հայտնի է, որ կարգին ու օրինավոր է համարվում այն մարդը, ով ստորություն անելուց հաճույք չի ստանում:

Կարճ ասած՝ Բուշին թույլատրեց տպագրվել: Սկզբնական շրջանում նրա թղթակցությունները խմբագրվում էին առանձնահատուկ զգոնությամբ: Աստիճանաբար դրանք դառնում էին ավելի ծավալուն եւ նշանակալի: Բուշի որոշ ակնարկներ փոքրիկ սենսացիաներ առաջացրին:

Դեկտեմբերին խմբագիրը կրկին սկսեց խոսել Բուշին հաստիքային տեղ տրամադրելու մասին: Հավելումն՝ Բուշի համար բարեխոսում էին տեղկոմի բոլոր ծերացող կանայք: Շաբլինսկին ու ես էլ պաշտպանում էինք նրան:
Թոացկաժողովներից մեկին ասացի . «Անհրաժեշտ է լիարժեքորեն օգտագործել Բուշին: Այլապես նրան կնդենք դեպի դիսիդենտության սայթաքում ուղին»:

Բուշին աշխատանքի տեղավորելը ստացել էր գաղափարական միջոցառման բնույթ: Գլխավոր խմբագիրը բազմանշանակ ժպիտով էր նայում նրան: Նրա ճակատագիրը կարող էր վճռվել արդեն տեսանելի ապագայում:

Մոտենամ էր Նոր տարին: Խնբագրությունում նշելու էինք: Ինչպես միշտ
նկատելիորեն ակտիվացել էին անկյալները: Գրաշարներից երկուսը (երկուսն էլ
հարբեցող) գնացին օղի բերելու: Նամակների բաժնի հաստահետույք
աղջիկները բուտերբրոդներ էին պատրաստում:

Աշխատանքն այդ օրը շուտ ավարտեցինք: Արտահաստիքային հեղինակներին
խնդրել էին չգնալ: Խնբագիրը կանչել էր Բուշին ու ասել .

Հուսով եմ, երեկոյան կհանդիպենք: Ուզում եմ հաճելի նորություն հայտնել ձեզ:

Աշխատակիցները դեգերում էին միջանցքներում: Ամենաանհամբերները
փակվել էին կենցաղի բաժնում: Դռան ետեւից բաժակների զրնգոց էր լսվում:

Մի քանիսը գնացել էին տուն՝ տոնական զգեստներ հագնելու: Վեցի կողմերը
վերադարձան: Բուշը հագել էր ծխախոտագույն արտասահմանյան կոստյում:
Լաքապատ կոշիկները փայլում էին:

Հիանալի տեսք ունես, ասացի: Բուշը շփոթված ժպտաց .

Գալինան երեկ ատամները ծախեց: Երկու պլատինե շապիկ տարավ
ոսկեգործին: Եվ ինձ համար այս հագուկապն առավ: Այսքանից հետո կարո՞ղ եմ
լքել նրան...

Տեղավորվեցինք քարտուղարության մեծ սենյակում: Բոլորը բարձրաձայն
զրուցում էին, ծխում, ծիծաղում:

Խնբագրական քեֆերին, առհասարակ, ժողովրդավարության մթնոլորտ է
տիրում: Կարելի կատակել գլխավոր խնբագրի հետ: Որոշել, թե ով է
դարաշրջանի ամենահանճարեղ լրագրողը: Արտասանել անչափ
հաճոյախոսություններ: Կարելի է, օրինակ, լսել .

Ծերուկ, դու հսկա ես: Դու լուսանկարչական ռեպորտաժի Պազանինին ես:

Իսկ դու, սովորաբար լինում է պատասխանը, տնտեսական առաջնորդողի
Շեքսպիրն ես...

Այստեղ են հանգուցալուծվում ընթացիկ սիրային կոնֆլիկտները:
Խարդավանքներ են հյուսվում: Առաջադրվում են Պատվո տախտակի
թեկնածուներ:

Այլ կերպ ասած՝ ամենօրյա խմբագրական խառնաշփոթն այստեղ նորմա է
դառնում: Վերջնականապես հաստատվում է խմբագրությանը բնորոշ լարված,
տենդագին շքերության մթնոլորտը...

Բուշն իրեն պահում էր ծայր աստիճան գոռոզ ու խիստ: Նստել էր լուսամասի
մոտ: Խորասուզված կարդում էր: Գիրքը կոչվում էր «Ուղղագրության եւ
կետադրության խրթին դեպքերը»:

Վերջապես սեղան նստեցինք: Խմբագիրը սպասելով, որ բոլորը լռեն, ասաց .

Բարեկամներս: Ահա աշխատանքով հագեցած մեկ տարի էլ անցավ: Մենք
հիշելու բան ունենք: Ե՛վ ուրախություններ են եղել, եւ՛ տխրություններ: Ե՛վ
ձեռքբերումներ, եւ՛ անհաջողություններ: Մեր հրապարակումներում ավելացել են
լուրջ, վառ ու խորը նյութերը: Պակասել են բացթողումներն ու սխալները:
Համոզված եմ, որ եկող տարի ավելի համերաշխ ու համախումբ ենք
աշխատելու... Այսօր ինձ զանգեցին Կենտրոնական կոմիտեից: Իվան
Գուստավովիչ Կեբինը իր շնորհավորանքն է հղում ձեզ: Թույլ տվեք ի սրտե
միանալ դրան: Շնորհավո՛ր Նոր տարի, բարեկամներս . . .

Հետո բազմաթիվ այլ կենացներ եղան: Գլխավոր խմբագրի եւ պատասխանատու
քարտուղարի, համեստ աշխատավորների սրբագրիչների ու մեքենագրուհիների:
Խմեցինք արտահաստիքային թղթակիցների ու ակտիվ բանվորական
թղթակիցների եենացը: Ինչ-որ մեկը խոսեց քաղաքական գոռնության մասին:
Եղավ ֆուտբոլի թիմ ստեղծելու առաջարկ: Խմբագրության «ստուկաչ» Իգոր
Գասպյը միասնաբար աշխատելու կոչ արեց: Շաբլինսկին առաջարկեց խմել
հմայիչ կանանց կենացը...

Մենյակը լցվել էր ծխով: Մարդիկ բաժակները ձեռքներին բաժանվել էին
առանձին խմբերի: Ուտելիքն արագորեն չքանում էր:

Կենցաղի բաժնի Տորշինան համոզում էր, որ բոլորս միասին երգենք: Ֆիմա Բիկովերը պարտքերն էր բաժանում:

Շուտով հայտնվեց հավաքարար Հիլդան: Հարկավոր էր ցրվել:

Եվս տասը բույե, ասաց խմբագիրն ու շամպայնի բաժակն անձամբ մեկնեց Հիլդային:

Դռան մեջ հայտնվեց խմբագրի տիկինը՝ Չոյա Սենյոնովնան: Նա զգուշությամբ բերում էր մի հսկայական մեքիորեն սկուտեղ՝ սուրճով լի գավաթներով:

Մինչև այդ պահը Բուշն անշարժ նստած էր: Բաժակը դրել էր ռադիոլայի կափարիչի վրա: Գիրքը ծնկներին էր:

Իսկ հիմա բարձրացավ տեղից: Լայն ժպիտով մոտեցավ Չոյա Սենյոնովնային: Անսպասելիորեն ինչ-որ ֆուտբոլային շարժում արեց: Ու լաքապատ կոշիկի հզոր հարվածով վայր գցեց սկուտեղն ապշած կնոջ ձեռքից:

Սենյակն իրար անցավ: Ճշում էին նրանք, ում վրա թափվել էր եռման սուրճը: Լյուբա Տորշինան ուշագնաց եղավ...

Չորս արտահաստիքային աշխատողներ բռնեցին Բուշին: Բուշը չէր դիմադրում: Երջանիկ ժպիտը սառել էր դեմքին:

Միլիցիա էին գանգում, «Շտապ օգնություն»...

Երեք օր անց Բուշին գննեց հոգեբուժական հանձնաժողովը: Նրան միանգամայն մեղսունակ ճանաչեց: Բուշին դատապարտեցին որպես խուլիգանի: Տվին երկու տարի՝ պայմանական:

Լավ է, որ խմբագիրը չկամեցավ հասնել ավելի խիստ պատժի: Բուշը հեշտ պրծավ, լրագրության մասին, սակայն, մտածելն իսկ արդեն ծիծաղելի էր...

Մոտ մեկ ամիս Բուշին կորցրի տեսադաշտից: Գնացել էի Լենինգրադ՝ ընտանեկան գործերս կարգավորելու: Վերադարձիս գանգեցի, բայց նրա

հեռախոսը չէր աշխատում:

Բուշին չէի մոռացել: Հուսով էի, որ քաղաքում կտեսնեմ: Այդպես էլ եղավ:

Բուշը կանգնած էր լուսանկարչատան ցուցափեղկի մոտ ու նայում էր ժպտացող հրեշներին: Ձեռքի ֆրանսիական բուլկու կեսն արդեն կերել էր: Ամբողջ տեսքը վկայում էր, որ բացարձակապես պարապ է:

Ես առաջարկեցի մտնել «Կունգլա» բարը: Բուշն ասաց .

Այնտեղ պարտք եմ:

Շա՞տ:

Վեց ռուբլի:

Լավ է, ասում եմ, համ էլ պատքը կտանք: Վերարկուները հանեցինք, բարձրացանք երկրորդ հարկ, նստեցինք պատուհանի մոտ:

Ես ուզում էի իմանալ, թե ինչ էր պատահել: Հանուն ինչի՞ նա կատարեց այդ անհեթեթ արարքը: Նյարդային ցնցո՞ւմ էր, գիտակցության մթազնո՞ւմ:

Բուշն ինքը խոսք բացեց .

Հասկացիր, ծերուկ: Խմբագրությունում բոլորը բորենիներ են... Անմիջապես ճշտեց .

Բացի քեզանից, Շաբլինսկուց եւ չորս դժբախտ պառավներից... Մի խոսքով, խոզերը գերակշռում են: Եվ այդ հիմար քեֆը: Իսկ ես նստած սպասում եմ, թե երբ է այդ թանձրահետույք խմբագիրն ինձ երջանկացնելու իր բարերարությամբ: Ու հայտնվում է ծուրթաթ Չոյկան իր սկուտեղով: Բոլորը միայն մի ցանկություն ունեն՝ քացով խփել-ջարդել այդ բոզական սկուտեղը: Այդտեղ հասկացա, որ հասել է պատասխանատու պահը: Վճռվելու է, թե ով եմ ես: Ասպե՞տ, ինչպես համարում է Գալկան, թե՞ քաք, ինչպես պնդում են մնացածները: Ես էլ ելա ու...

Բարում նստեցինք մոտ մեկ ժամ: Ես պետք է խմբագրություն գնայի: Ինչ-որ առաջադեմ ֆրանսիացու հետ հարցազրույց պիտի անեի:

Հարցրի .

Ինչպե՞ս է Գալինան:

Ոչինչ, ասաց Բուշը, վիրահատություն տարավ... Ինչ-որ կանացի բաներ...

Դրանից հետո հազվադեպ էինք հանդիպում: Խիստ զբաղված էի խմբագրությունում: Պատմվածքներիս ժողովածուն էի նախապատրաստում տպագրության:

Մի անգամ Բուշին հանդիպեցի ձիարշավարանում: Հատակին հասած մարդու տեսք ուներ: Մի քիչ փող տվեցի: Շնորհակալություն հայտնեց ու անմիջապես գնաց խմիչք բերելու:

Չսպասեցի...

Ամռանն ինձ ուղարկեցին Բուլղարիա՝ կինոփառատոնը լուսաբանելու: Դա իմ առաջին արտասահմանյան գործուղումն էր: Այսինքն՝ իմ նկատմամբ քաղաքական վստահության նշան, եւ իմ լոյալության վկայություն:

Վերադարձիս ապշեցուցիչ պատմություն լսեցի:

Տալլինամ տոնում են Նոյեմբերի 7-ը: Շքերթավորների շարասյունեքը ձգվում են դեպի քաղաքի կենտրոնը: Կառավարական տրիբունան Կենտրոնական կոմիտեի շենքի առջեւ է: Երաժշտություն է հնչում: Օդում գույնզգույն փուչիկներ: Հաղորդավարը ռադիոյով անվերջ շնորհավորանքներ ու կեցցեներ է հռչակում:

Մարդկանց ձեռքերում տրանսպարանտներ են ու առաջնորդների դիմանկարներ: Միլիցիոներները հետեւում են կարգուկանոնին: Բոլորը բարձր տրամադրության մեջ են: Ինչ էլ լինի, տոն է:

Շքերթավորների մեջ է նաեւ Բուշը: Ավելին բռնել է փայտին ամրացված ֆաներայի մի կտոր: Նման է ձյուն մաքրելու բահի: Ֆաներային կանաչ ներկով գրված է .

«Վճռական հակահարված տանք համաշխարհային իմպերիալիզմի թշնամիներին»:

Այս պլակատով Բուշը Կադրիորգից հասել էր մինչեւ դաշնամուրի գործարան: Այստեղ միայն միլիցիոներները իրար էին անցել: Ովքե՞ր են «համաշխարհային իմպերիալիզմի թշնամիները»: Այդ ո՞ւմ «վճռական հակահարված» տանք...

Բուշը չի դիմադրում: Նրան փակ ավտոմեքենայով տանում են Պագարի փողոց: Երեք րոպե անց նրան հարցաքննում է անձամբ գեներալ Պորկր:

Հարցերին Բուշը պատասխանում է հանգիստ ա հակիրճ: Իր մեղքը կտրականապես չի ընդունում: Ասում է, թե պատահածը թյուրիմացության է, անուշադրության հետեւանքով սպրդած սխալ:

Գեներալը Բուշի հետ զրուցում է մեկակես ժամ: Երբեմն շատ կիրթ, երբեմն՝ անակնկալ կոպիտ: Բուշին մեկ դիմում է «Էռնեստ Լեոպոլդովիչ»-ով, մեկ էլ վրան գոռում . «Կզնդակահարեն, շո՛ւն»:

Ի վերջո, Բուշը ձանձրանում է արդարանալուց: Թուղթ ու մատիտ է խնդրում: Թեթեւացած գեներալը նրան է մեկնում ինքնահոսր .

Անկեղծ խոստովանությանը կարող է մեղմացնել ձեր ճակատագիրը...

Բուշը որոշ ժամանակ լուսամուտից դուրս է նայում: Հետո ժպտում է ու գեղեցիկ, թեք ձեռագրով շարադրում .

Հայտարարություն:

Այնուհետեւ .

1 . Խորը մտահոգություն են հայտնում Մերձբալթիկայի եւ Անդրկովկասի քրիստոնյա-մկրտականների ճակատագրի նկատմամբ:

2 . Ամերիկյան մտավորականությանը կոչ են անում անմիջապես արձագանքել Կրեմլի չարաշահումներին մարդու ազատությունների ոլորտում:

3 . Պահանջում են իմ պատմական հայրենիքը՝ Գերմանիայի Ֆեդերատիվ Հանրապետություն, անխոչընդոտ արտագաղթելու իմ իրավունքը:

Ստորագություն՝ Էռնեստ Բուշ, խղճի կալանավոր:

Գեներալը կարդում է հայտարարությունն ու գցում աղբարկղը: Նա որոշում է կիրառել հին ու փորձված մեթոդը: Պարզապես լուռ հեռանում է:

Այս մեթոդը, որպես կանոն, միշտ արդյունավետ է գործում: Մնալով դատարկ սենյակում, հարցաքննվողների նյարդերը սովորաբար չեն դիմանում:

Անորոշությունն ավելի է վախեցնում նրանց, քան ցանկացած սպառնալիք:

Նրանք սկսում են վերլուծել սեփական վարքը: Սկսում են տենդագին որոնել փրկարար քայլեր: Շփոթվում են անհմատ հնարքների բազմազանությունից:

Տանջալի սպասումը մարդկանց վերածում է վախից դողացող անասունի:

Գեներալն այդ հույսով է Բուշին մենակ թողնում:

Վերադառնում է քառասուն րոպեից: Տեսածն ապշեցնում է նրան: Բուշը խաղաղ քնած է լինում՝ գլուխն արձանագրությունների թղթապանակին:

Ավելի ուշ գեներալը պատմել է .

Իմ կաբինետում ինչ ասես, որ չի եղել: Մարդիկ սեփական երակներն են բացել: Մոխրամանում նոթատետրեր են վառել:

Փորձել են լուսամասից դուրս թռչել: Քնելը, սակայն, առաջին դեպքս էր–

Բուշին տանում են հոգեբուժական կլինիկա: Կատարվածը գեներալին ներկայանում է որպես հոգեկան հիվանդության բացահայտ ախտանիշ: Հնարավոր է, որ նա այնքան էլ չէր սխալվում:

Բաց են թողնում Բուշին միայն կես տարի անց: Այդ ընթացքում իմ կյանքում փոփոխություններ եղան:

Դժվարանում եմ հիշել, թե ինչից սկսվեց: Մի քանի անգամ ավելորդ բաներ ասացի: Կովեցի համապատասխան մարմինները ներկայացնող Գասալի հետ: Մի անգամ հարբած մտա Կենտկոմ: Էստոնիայի գրողների կոնֆերանսում առարկեցի անձամբ ընկեր Լիպպոյին...

Հիշեցին, որ աշխատում եմ առանց Տալլինի գրանցման: Պարզեցին իմ մասնակի հրեական ծագումը: Բուշի հետ կապերն էլ դրական ազդեցություն չունեցան հեղինակությանս վրա:

Չենց այդ ժամանակ Էստոնիայում քաղաքական անկարգություններ սկսվեցին: Մի խումբ դիսիդենտներ խնդրագրով դիմեցին Վալդիային: Երեք օրից նրանց հուշագիրը հաղորդվեց արեւմտյան ռադիոյով: Մեկ շաբաթ էլ անց Մոսկվայից ցուցում ստացվեց՝ ուժեղացնել դաստիարակչական աշխատանքը: Դա նշանակում էր, որ ինչ-որ մարդկանց հարկավոր է վոնդել, ստորացնել, պաշտոնանկ անել: Այդ ամենը, բնականաբար, հուշագրի հեղինակների նկատմամբ հետաքննությունից գատ:

Խմբագրության տնտեսվար Մելեշկոն ասում էր .

Կարող էին դիմել սեփական ղեկավարությանը: Թե չէ հնարել ինչ-որ Խաիմ...

Ճնշումների համար ես հարմար թեկնածու էի: Եվ ինձ հեռացրին: Միաժամանակ տպարանում ոչնչացվեց պատմվածքներիս գրեթե պատրաստ ժողովածուն: Եվ այդ ամենը միայն Կրեմլի բոսսերին զեկուցելու համար՝ միջոցներ ձեռնարկվել են:

Ես, իհարկե, միակ գոհը չէի: Այդ օրերին փակվեց ձիարշավարանը՝ բուրժուական տրամադրությունների բույնը: Ժուռնալիստների միության բուֆետում արգելեցին ոգելից խմիչքի վաճառքը: Խանութներից չքացավ խոզապուխտը: Սա, թերեւս, արդեն ուրիշ թեմա է...

Մի խոսքով Էստոնական ազատականությունը վերջացավ:

Ժողովրդի լավագույն մասը՝ երկու երիտասարդ գիտնական՝ անցավ
ընդհատակ...

Ես գրկվեցի հաստիքային պաշտոնից: Առաջարկեցին հեռանալ «սեփական
դիմումի համաձայն»: Խորհուրդ տվեցին կրկին դառնալ բանվորական թղթակից:
Հրաժարվեցի:

Լենինգրադ վերադառնալու ժամանակն էր: Առավել ես՝ ընտանեկան կյանքս
սկսել էր կարգավորվել: Բաժանումը մարդկանց ավելի խելամիտ է դարձնում...

Կոմպի փողոցի բնակարանում իրերս էի հավաքում: Հեռախոսը զանգեց:
Ճանաչեցի Բուշի ձայնը:

Ծերուկ, կապասես ինձ: Գալիս եմ: Ուտքով: Փող բոլորովին չունեմ: Փոխարենը
քեզ արժեքավոր նվեր եմ բերում...

Իջա գինի առնելու: Քառասուն րոպեից եկավ: Տեսքն ավելի լավ էր, քան վեց
ամիս առաջ: Հարցրի .

Գործերդ ինչպե՞ս են:

Ոչինչ:

Բուշն ինձ պատմեց, որ իրեն հաշվառման մեջ են պահում հոգեբուժարանում:
Հետո էլ պարբերաբար քարշ են տալիս ՊԱԿ: Քիչ անց աշխուժացավ ու, ձայնն
իջեցնելով, ասաց .

Հուշանվեր եմ բերել քեզ:

Արձակեց բաճկոնի կոճակները: Ծոցից հանեց քառաձայ մի թուղթ: Գոհ տեսքով
մեկնեց ինձ:

Սա ի՞նչ է, հարցրի:

Պատի թերթ:

Ի՞նչ պատի թերթ:

ՊԱԿ-ի տեղական բաժանմունքի: Տեսնում ես՝ «Վահան եւ սուր»: Լիքը հետաքրքիր բան կա: Ինչ-որ մեկին պարսավում են լակելու համար: Սպեկուլյանտների մասին հոդված կա: Իսկ սա բանաստեղծություն է խուլիգանների մասին .

Ստիլյագը շոյվ խփեց

Շքանշանակիր ծերուկին:

Աւեհեր կնճռոտ ծոծրակից

Արյուն է խփում, ինչպես աղբյուրից...

Իսկ ինչ, ասաց Բուշը, վատ չէ...

Հետո սկսեց պատմել, թե ինչպես է տիրացել պատի թերթին:

Կանչում է ինձ ցնդած Սորոկինը: Սկսում է իր տխմար խոսակցությունները: Իր բոլոր փաստարկները հերքում են Մարքսից մեջբերումներով: Սորոկինը հեռանում է: Ինձ մենակ է թողնում պեղեռաստի իր կաբինետում: Իսկ ես մտածում եմ, թե ինչ նվիրեմ Սերյոժային ի հիշատակ: Տեսնեմ պահարանի գլխին պատի թերթ է ընկած: Վերցրի, դրի ծոցս: Նվիրում եմ որպես հուշանվեր...

Արի, ասում եմ, վառենք: Շառից-փորձանքից հեռու:

Արի, համաձայնում է Բուշը: Պատատոտեցինք թերթն ու վառեցինք զուգարանում: Ուշանում էի: Տաքսի կանչեցի: Բուշը հետո եկավ կայարան: Կառամատույցին բռնեց ձեռքս .

Ի՞նչ կարող եմ անել քեզ համար: Ինչո՞վ կարող եմ օգնել:

Ամեն ինչ կարգին է:

Բուշը մի պահ մտքերի մեջ ընկավ ինչ-որ տանջալի որոշում ընդունելով:

Ուզում ես, ասաց, ամուսնացիր Գալինայի հետ: Ընկերաբար զիջում եմ: Նա կարող է ծաղիկներ նկարել ու նկարները վաճառել: Սի շաբաթից սիամի կատուն ձագեր է բերելու: Ամուսնացիր, չես փոշմանի:

Ես, ասում եմ, ճիշտն ասած, ամուսնացած եմ արդեն:

Դո՛ւ գիտես:

Գրկեցի նրան, հետո բարձրացա վագոն: Բուշը մնաց կառամատույցին կանգնած: Կարծես դեռ չեմ ասել, որ նա կարճահասակ էր...

Վեցերորդ տարին է, ինչ ապրում եմ Ամերիկայում: Կնոջս ու Կատյա դստերս հետ: Նոր ջինս գնելիս Կատյան մի քառասուն րոպե ոտքերով կոխտոտում է: Հետո ծնկների վրա ծակեր է անում...

Վերջերս Բրուկլինում մեկը կանչեց ետեիցս: Շուտ եկա ու ճանաչեցի Գրիշանյային: Նրան, որ մեզ Լենինգրադից Տալլին էր տարել իր մեքենայով:

Մտանք մոտակա ռեստորանը: Գրիշանյան պատմեց, որ այն ժամանակ նստել է ընդամենը վեց ամիս: Հաջողվել էր ինչ-որ մեկին կաշառել ու դուրս գալ:

Վերցնել գիտես՝ տալ էլ իմացիր, փիլիսոփայորեն ասաց Գրիշանյան:

Հարցրի, թե ինչպես է Բուշը: Ասաց .

Պատկերացում չունեմ: Շաբլինսկուն նշանակել են պատասխանատու քարտուղար...

Պայմանավորվեցինք, որ հեռախոսով կկապվենք: Այդպես էլ չզանգեցի: Ինքը նույնպես...

Մեկ ամիս առաջ թերթերում կարդացի կապիտան Ռուդիի մասին: Չորս տարի անցկացրել էր Մորդովիայում: Հետո նրա պաշտպանությանը հանդես են եկել ինչ-որ կազմակերպություններ: Կապիտանին ժամանակից շուտ ազատ են արձակել: Հիմա ապրում է Համբուրգում:

Բուշի մասին հարցուփորձ են անում բոլորին, ով կարող է որեւէ բան իմանալ:
Ըստ որոշ տեղեկությունների, Բուշը բանտում է: Կան նաեւ տեղեկություններ, թե
ամուսնացել է ձկնարդյունաբերության նախարարի այրու հետ: Երկու
տարբերակն էլ ճշմարտանման են: Եվ երկուսն էլ դառը զգացմունքներ են
հարուցում:

Ո՞ր է հիմա դիսիդենտ ու կանանց սիրելի, շիզոֆրենիկ, բանաստեղծ ու հերոս
Էռնեստ Լեոպոլդովիչ Բուշը...